

10. november

**Inatsisartunut Naalackersuisunullu il.il. ilaasortat aningaasarsiaqartitaanerat il.il. pillugit Inatsisartut inatsisaani § 6 imm. 6 naapertorlugu Naalackersuisut allanngueqqullugit, Naalackersuisut peqquneqarnissaannik Inatsisartut aalajangiiffigisassaattut siunnersuut, taamaasilluni Naalackersuisunut ilaasortat ulloq 1. januar 2016 aallarnerfigalugu Namminersorlutik Oqartussat atorfirmut atasumik pinngitsoorani inigisassatut inigitittagaanni ineqarnermut akiliutinik naatsorsuisarnermi maleruagassat qaqugukkulluunniit atuuttut 100 %-iinik ineqarnermut akiliuteqartalersillugit.**

(Inatsisartunut ilaasortaq Tillie Martinussen, Demokraatit)

Naalackersuisunut ilaasortat atorfirmut atasumik pinngitsoorani inigisassatut inigitittagaanni akiliuteqarteqartinneqartarnerisa allannguuteqartinneqarnissaannik Tillie Martinussenip Demokraati-neersup aalajangiiffigisassatut siunnersuutaa Siumumiit imaattumik oqaaseqarfigissavarput.

Siumumiit pingaaruteqarluinnartutut isumaqarfigaarput inuiaat tamat oqartussaannerannik suleqataanissaminut periarfissaat atugassarititaallu sapinngisamik namminermut nammakkuminartuusari-aqartut.

Inuiaat siammasissumik najugaqariaaserput sutigut tamatigut ersersinnartuartarparput, tamannalu aamma Inatsisartuutitanut Naalackersuisunullu toqqakkanut allaanerussuteqarani atuuppoq.

Taamaattumik taama periarfissiisimanerup allanngortinneqarnissaa Siumumiit isumaqataaffigisin-naanngilarput, inuiaammi aqunneqarneranni qinikkatut Naalackersuisutulluunniit toqqakkattatut atuunnermi inuttut atugassarititaasut ajorseriaateqanninnissaat eqqummaariffigisariaqaratsigu.

Amerlasuutigut Naalackersuisutut ilaasortanngorneq tassaasarpog illoqarfigisag nunaqarfigisarluun-niit qimallugu Nuummut najugaqartussaalertarneq, taassumallu nassatarisarpaa inigisanut marloqiusamik akilersuilertarneq.

Qinikkatut Naalackersuisutulluunniit toqqakkatut qanoq sivilisutigisumik qularnaarlugu oqaatigine-qarsinnaanngitsumik sulinissag aallartinneqartarpoq, tamassumalu soorunami nassatarisinnaasarpaa nunagisami angerlarsimaffimmik akilersuineramik, aserfallatsaaliinermik kiisalu sillimasiinermik isimagisaqartuartaaneq.

Siumumiit tunngavilersuutigut tamakkuupput, taamaattumillu siunnersuutip massumap itigartitsis-sutigineqarnissaa inassutigaarput.

Anders Olsen  
Siumut